

وزارة الثقافة




سرايا جوايا

محمد الحناطى

شعر





الشاعر يمتلك أدواته جيداً، فليديه لغة خاصة، ورؤية بسيطة ونافذة. فقد استطاع ان يبتكر في قصائده عالماً حميمياً من تفاصيل الحياة اليومية، عالم صاف وحزين، يحمل بداخله مشاعر الغربة والوحدة التي يحياها الإنسان المصري المعاصر. ونتعرف فيه على أحلام الشاعر الضائعة في وطن مسلوب، وطن مستحيل، يحاول الشاعر جاهداً أن يرسم ملامحه، ويفتش فيه عن الحميمية المفقدة عن الإنسانية التي لم تعد لها وجود، عن محبوبته التي انتهكتها مشاعر الاستهلاك الدائمة في هذا العالم الملى، بالفقد والحرمان..

رجب الصاوى

الثمن جنيهاً

جَوَايَا سِرِّ

شعر

محمد عبد المنعم الحناطى

وزارة الثقافة



سلسلة شهرية تعنى بنشر إبداعات الشباب

• هيئة التحرير •

رئيس التحرير
د. هيثم الحاج على
مدير التحرير
السعيد المصرى
سكرتير التحرير
يونس شعبان

الأراء الواردة في هذا الكتاب لا تعبر بالضرورة عن توجه الهيئة
بل تعبر عن رأى وتوجه المؤلف فى اللقائ الأول.

• حقوق النشر والطباعة محفوظة للهيئة العامة لقصور الثقافة.
• يحظر إعادة النشر أو النسخ أو الاقتباس بأية صورة إلا بإذن
كتابى من الهيئة العامة لقصور الثقافة، أو بالإشارة إلى المصدر.

ملزمة كتابية

تصليها
الهيئة العامة لقصور الثقافة

رئيس مجلس الإدارة
سعد عبد الرحمن
أمين عام النشر
محمد أبوالمجد
مدير عام النشر
إستهال العسلى
الإشراف الفنى
د. خالد سرور

• جؤأنا سبز
• محمد عبد المصم الجناطى
الهيئة العامة لقصور الثقافة
القاهرة 2013م
135 x 19 سم
• تصميم الغلاف: أحمد الجنائى
• تليفون لقوى: ياسر المحمدى
• رقم الإيداع: ٢٠٠٨٧ / ٢٠١٢
• الترافيم الدولى: 3-536-718-977-978
• للرسالت
باسم / مدير التحرير
على العنوتن التالى ، 16 شارع أمين
سامى - قمبر السمينى
القاهرة - رقم بريدى: 11561
ت ، 27947891 (داخلى ، 180)

• الطباعة والتنفيد :
شركة الأمل للطباعة والنشر
ت ، 23904096

جَوَائِزِ سِرِّ

الإهداء

أَنَا شُوفْتَهَا .. مَا شَيْهَ عَلَى الْمَيَّةَ ..
بِتَغْسِلُ جِسْمَهَا الْمَرْمَرُ .. بِضَى الشَّهَدُ ،
قُلْتُ لَهَا : " مَدَدٌ " مَدَّتْ إِيْدِيهَا الْوَلَوِي ..
تَمْسَحُ مِنْ عَلَى مَلَامِحِي الْهَمُومُ .
تَتَجَلَّى عِ الْأَرْضِ الْخَرَابُ
تَغْسِلُهَا بِنَشِيدِ الصَّفَا .. نَدَهْتَنِي .. آخِذٌ مِنْ شَفَايِفِهَا ..
الْعَهْدُ .. نَزَجْتُ قَلْبِي
وَأَسْتَحْمَيْتُ بِالْأَنْدَى
النِّشْوَةَ .. قَفَلْتُ ضَرْفَتَيْنِ عَيْنِي
الرِّيحُ فَتَحَهُمْ لِي
الْأَقْيَاهُ اخْتَفَتْ .. عَنِّي .. وَسَابَتْ (سِرَّهَا) .. فَيَا .. !

محمد

نبوءة

عين غريبة
ع الميدان
عماله تقرا في الشوارع
والجراح متنورة
داخل زحام الكف:
عيل..
وضاعت..
من سمائه اللعب
متعلقة روحه في حواديت الشتا
مستقصداه الترهة

كَارَهَاةَ الشَّوَارِعِ
صُوتَ الْفَرَامِيلِ ..
طَمَنُهُ .

عَدَا الْإِشَارَةَ
يَنْدَهِسُ مَخُّهُ .
يَفُوقُ ..
يَكْبُرُ ..

يَضِيقُ الْكُؤْنَ عَلَيْهِ ..
فَيَسَاعَ هُمُومَ الْخَيْرَانِينَ جَوَاهُ |

وصية أولى

مَا تَغْبِيلُوشْ ..
عَلَّشَانْ يَنَامْ .
وَلَا تَدْبَحِيشْ جَوَّاهْ ..
تَرَاتِيلُ الْحَمَامِ
أَقْرِى عَلَيْهِ ..
صَفْحَهْ فِ كِتَابِ الْهَمِّ
بَارَكِيهْ بِالْعِيَّاطِ
مَا تَغْطِيهِوشْ مِ الْبَرْدِ
عَلَّشَانْ الدَّفَا جَوَّاهْ
فِ يَوْمِ
حَ يَغْطِي كُلَّ الْبَرْدَانِيْنِ ا

مناديل

زَي مَا يَكُونُ مِشْ شَايِفْنِي
مَنَادِيلُ يَا بِيهْ ؟
عَدَى الْإِشَارَةَ ..
زَي مَا يَكُونُ مِشْ شَايِفْنِي ،
لَكِنَّهْ مَا دَاسْنِيشْ
مَعَ إِنِّي نَفْسِي فِ كُلِّ مَرَّةٍ
إِنِّهْ يَدُوسْنِي
تَحْتَ عَجَلَاتِ الْحَيَاةِ
يَمَكِّنْ أَعِيشْ !

صِراخَةُ يَتَنَبِّشُ فِي الْمَلَكُوتِ

بَصُّ لَعْدَادِ الْعَمْرِ وَهُوَ بَيْنَ زَفِّ مَوْتٍ
كَانَتْ أَوْرَاقُ
فِي شَجَرَتِهِ
بِتَفَرُّقَتِ ..
عِ الْأَرْضِ الْجَاهِدَةِ مِنْ غَيْرِ صَوْتِ
بِيَمُوتِ ؟ !
وَنَتِيجَةُ حَاصِلِ عَمْرِهِ مَا فِيشِ
هِي عِيشِ ؟ !
لَكِنْ عَلَى إِيهِ هِي عِيشِ ؟ !
أَتَأْلَمُ قَامَ ابْتَسَمَ الْأَلَمُ السَّاكِنِ فِيهِ
أَنَا لِيهِ ؟
أَتَأْرِيهِ ..

اتمر مط في بارات الدنيا
وسكر من طينها كاسات
وكاسات
واتشعلق في حبالها الداييه
ووقع ع الأرض
وداست فوقه الشقالبظات
ولأنه اتعود جلد الذات
واحمرت ..
على روحه العلامات
اتزق بروحه
في مظاهرات
اتخطفت ..

من أحلامه بنات
هربت وفاتوه
وصحاب ماتوا
وسابوه .. عايش
عاشوا
وسابوه .. بيموت
أوراق فى شجرته
بتفرفت
ع الأرض الجاحده
من غير صوت
بص لعداد العمر
وهو بينزف
موت
وصراخه بينبش
فى الملكوت !

لعبه

مديتى الإيد بإشارب حرير
غمضتى عينيا ورحتى بعيد
عديت للميه وما ظهر تيش
وسألت الشمس فى سطح البيت
وبعز مى ناديت
ولا بترديش
لَقَيْتِ العمر بطوله عليكى
وما لقيتكيش
كان لازم يعنى تخبينى
وتتوهى منى وما تلاقينيش
كان فيها إيه لو كنا لعبنا
عريس وعروسه
وكنتى دخلتى لروحي ف بوسه
وما طلعتيش .

المندوهة

لبنّت مش شبه البنات ..
غير فى انتصار الخوف على
روحها الهزيله ..
تنتشى بالمعجزات
لما تخط الحلم
فوق المكياجات
وتلون الأحزان بلون الروج
وتلبس .. لعنة العدسات !
وكانها بتتخفى فيها ..
من عيون الشمتانين
فى لحظة الحريه لما
ترتعش ع البحر
شمس البردانين

حافظاها كل حوارى سيدنا الحسين،
والسيده ..

شايله الصينيه فوق دماغها ممده

ورايحه بيها لزحمة القرايين

ما عرفتھاش علم اليقين

لكنھا عارفانى من قبل القصيده

وعارفه انى ..

بانكمش جوايا ..

زى قميص

بيتكرمش على جبل الحنين

بتترجم ..

المواويل على محطة ترام

عربى يونانى وباللاتين

وبتبني فوق الرمل حريه لكل القلقانين

مندوهه للحلم المشاغب
من زمان الانكسار
متمر مطه من بار لبار
أفرش لها السجاده نار
وتصلى زى السكرانين
تسجد...

وتوصل للمدى فى ركعتين
من فى لفين
شافوها هربانه من الشقه الحرام
ووراها تجرى كتايب التايين
وأنا كنت فى..
من قبل ما يلمنى ديل فستان
لهنوته بتحلم..
تلبس الجيب القصير

والشنت حزم اتساع الحظن للخائفين
فتحت لى شنتتها عثمان أبكى حنين
وتلم فى جيوبها الدموع
وتسبني على شطى وحيد
مع لعنة الحلم اللى مصلوب
فوق شريط القطر
مع بكره اللى جاى.

يا مسافر وحدى

يا للى مسافر
وحدى أنا
وفايت لكم روحى
تندحت فى جدران القلوب دقات
سايب لكم وردتى
دبلاته فى حضن الكتاب
من غير دموع البنت ترويه
متفرفته حكايات
تبكى
فيتخفق السكات
وينطلق

من سجن ماضى لسه ما ماتشى
وإن كان مات
سايب علاماته على روحى
وفى الشهقات
هل يا ترى فاكرين ؟
لسعة جتتى فى البرد ،
ودفا تراتيلكم وأنا راجع ..
وحيد فى الليل
ونصايح الأستاذ كما سنّاد يشد العود
مين اللى خلا الرنه فى روح الوجود
رعشة وترع العود
بتصحى "عبد الوهاب" من نومه فيدندن
على اسمى أنا مش أنا
على اسمكم انتم
على اسم ناس عاشت بلا عنوان

"ودعنى .. من غير ما تسلم"
ده انا فى الحاجات دى جبان
ولا تسيب القصيده تمن فى شرك
فتنطفى الألمان
يا مسافر وحدى
وفابتكم
رافضين تفوتونى ..
وانا رايع لأى مكان
من شنتى ..
بتفوح روايحكم
تنطق ..
ملا محكم فى صورتي
وتلمعوا كالدمعه ..
فى ختم المغادره ع الجواز
سايب لكم
نفس البيوت مكروش
زحمة قلق ع الطابونه ..

وخناقة ع القهوة
وأنا اللي باحوش
وزعيق عيال الحاره
والنور من عندها راح
وبكا الصبايا ..
والقمر مخنوق
حب العزيز ..
والبوظه للى يدوق
وعريضة صايغ بيرسم ع البيوت اقفال
لا ميت قصيدة نشر تشفينى

ولا شعر تفعيله
ولا واو ولا موال
كل اللي قلناه وقالوه من قديم وأنا ليه
لسه باحسن الشعر لم ينقال
لا أنا كنت حرف اصطفاني للوجع قوأل
ولا كنت شاعر نبى وبرىء من اللي انقال
أنا اللي كنت بازك فى هم القصايد مثلما
عابر سبيل المنتهى رحال
وأنا اللي نفسى أطول ف يوم سرى
والشعر سر الروح إذا ينطال
وأنا بحث بالسر ..
بس ما بحش بى سرى

الموت جوازي والألم سفرى
نعشى هيرجع لكم منقوش غليه قدري
لا بر مصر اشكى من لفي ع القاضى
ولا كنت أنا خفيت من لعنة المشاوير
ليه المغنى فى البروفه شذ عن ألمة
واتفرقت أوتاره بدموعى وتاه نغمه
ويا عزيز عيني اتعمت م الحزن ما رجموا
لا أنا اللى طيب ولا الموصوم..
إذا وصموا
ولا أنا أبو الطيب أجابهم..
إذا اتهموا

(إذا ترحلت عن قوم وقد قدروا..... ألا تفارقهم فالراحلون هموا)
لا كنت ده ولا ده وإن تهت في العنوان
هيغنى "عبد الوهاب" وهتصرخ الألمان
"ودعنى من غير ما تسلم"
ده أنا في الحاجات دى جبان
انا اللي في وسطكم من غير ألم عريان
حتى وأنا ف عز الفرع زعلان.

ورا القضبان

السجن قضبانته بتنزف خوف
والفوضى مش خلاقه فى الزنازين
الفوضى خناقه لقلب حزين
بترش أرض السجن بدموعها
فتنور الرياحين
فارده شعورك ليه على السجن
عشمانه حريه ورا القضبان
لا الحلم جالك
إذا فرطتى فى شعورك
يا ناعسه..
ولا شعرك عمره اتفرد لجبان
مالك كأن التاريخ بيخط على بابك

حلمك
وحضنك قوى
وغفيتى قام سابك
عاصيه على احبابك
خاضعه لحجابك
طب راضيه ليه بهوان
نفشت على جدار سجنها حره ..
صرخ جدار السجن فى السجن ..
فى ناس كثير متقيدين بره ..
ويامه فيه أحرار ورا القضبان .

الزفة

كأنها حالة ميلاد للخوف •
تفرض عليك
حرب انتصار للذات
زى انكسار النور فى كوباية
وزغللة ألوانه فى المرايات
أنا قلبى واقع من على شلال
مسحوب بفعل الجذب للأنت
انفخ فى دخان السيجارم الخوف
جروحي تعمل فى الفراغ نايات
والعزف يملأنى ألم وأشرف
النخل واقف يكسر التوات
أما البشر محنى بذل وخوف
يتمرجحوا مع رنة العملات

الطير مسافر سرب صاحب سرب
وأنا لسه طائر في الفضاء بثبات
رافض أكون في زفة كذب ف كذب
الطبله تعوى وأنا أمسك الصاجات
في إيدي باسبور للهروب باعنى
وقلبي شاريه البيوت والناس
لا هموت غريق في غربة تبلعنى
ولا هاقبل إنى فى زفتك أنداس .

المخرج هينادي اللبلاب

الشجرة بتاعتى طرحت ورد
وماحدث جاني وقال ورده
الناس سكرانه بأحزانها
عاشينها ازاي والروح بارده
أشجارهم مهزوزه من الريح
الكل بيدارى ف خوفه
وبينزف حلمه مع المجاريح
وصديقى المخرج ..
قال أكشن
فالبت الورده الدبلانه
كان لازم تبكى مع المشهد
ونداها يغرق فى الصوره
ما لقتش دموع

بصيت لمثل دور تانى
واقف غلبان
مجروح موجوع
ودموعه تنط من البرواز
الخرج مارضاش يديله..
دور السكران
مع إنه سكران من همه
والهم طرح لجيوبه لسان
والبنت النجمه المشهوره
لبست فى مايوه وف حضن بلاج
خبت فى دموعها الخسوره
من خوفها لا العمر يعدى
والحلم يقصوه فى المونتاج
بصيت فى عيون صاحبي الخرج

فلاقيتها إزاز
مش باصص غير لنهايه اليوم
وهي عمل كام أوردت تصوير
الشجره بتاعتي طرحت ورد
والخرج ..
مش محتاج لورود
علشان الانتاج
هيجيب له الورد صناعي
والورد اللي انا فاكره بتاعى
دا يدوب أدبه للبنوته
فتعيط طول الليل
من الخوف
لا يفوتها القطر اللي هيسرق

لونها المخطوف
ما تقولش ظروف
علشان الورد
أما هيدبل
ويموت محسور
اخرج هينادي اللبلاب
يديه الدور.

طعم الخط الأحمر مالح

ما سمعش عنى البحر ..
يا صدف الرمال
لأنه مستقيل م الموج ..
من أحضان الجبال
مربوط ف سقف الدنيا ..
مشدود للسراب ،
والليل حبال !
وازاي هيسمع عن ولد
شارب أسى الصمت / اللهيب
والموت يسرى فيه دبيب
وازاي حينشر قصته للناس ..

وهو ما يعرفوش ؟ !
سك البيبان ..
اياس ودورع النهايه
الصمت ،
لون الحيره ويا العجز ،
لون الضعف ف عيون البنات
مش بس ليك متشابهات
دول صوره للخوف ..
اللى محقون ف الضلوع
اللى ساعات ببيان ..
ف ضحكته ميتة
أو ..
ف انتفاضه وردة دبلانه ..

ف حَضَنَ كِتَابَ قَدِيمٍ !
انْقَضَ غَبَارُ الذِّكْرِيَّاتِ
اَكْشَفَ عَنِ التَّارِيخِ غَطَاهُ !
حَيَفُورٌ عَلَى الْأَرْضِ ..
الَّتِي مَسْقِيَّةٌ عَطَشُ
الَّيْلِ بِطَشٍ !
لِيهِ لَسَهُ مَسْتَنَى فِ شَفَايِفِ ..
مَعْقُودِينَ بِالصَّمْتِ ؟ !
شَبَابِيكَ حَبِيبَتِكَ ..
اَنْسَرَقَ مِنْهَا الْقَمَرُ
دَمَكَ جَلِيدُ ..
خَرَّ الْأَلَمُ لَطَخَ مَوَاوِيلَ السَّهْرِ
حَتَّى الشَّجَرِ ..
لَوْنُ الْخَضَارِ فِيهِ اَنْتَحَرَ
حَتَّى الشَّجَرِ ..

لحظة غيابك طولت
كل السفن ضايعة وجزر يتوه ف مد
والبحر ما بيزحمش حد
وأنت يأس من الرجوع
غايب وحائر
مرسوم ف دخان السجائر..
كالسراب!
ارمى السيجاره من إيديك
دخن جراحك ،
واتهجي طعم المستحيل..
فى حلم بيطارده الخراب
يمكن الموال يعود
لحن الجدود

يمكن تهد في سكة الحلم السدودُ
تطلق من القيد المدى ..
تلغى الحدود
كل الخطوط الحمراء ..
لازم يوم تدوب
واتحدى غدر البحر ..
راح يخذلك ف حضنه
كل الخطوط الحمراء ماله ..
بس الخنوع طعمه مرارُ
كل القصايد تنبلتُ
كل الحروف اتكعبلتُ
ما فيش كلام راح نسكبه ..
ف حلم ميّت !
صح الكلام ..

صَحى الجراح
اوعاك تَخْلَى ..
الصوت ينام
اصرخ ونادى ..
مهما تلتهم الصحارى ..
صوت نداءك
لو باعوك اللى هنا ..
واللى هناك
إياك فى يوم تياس ..
وتخضع للمحال
إياك تقول :
ما سمعش عنى البحر يا صدف الرمال
واعرف بأنه ..
مستقيل م الموج من أحضان الجبال
مربوط فى سقف الدنيا مشدود للسراب
والليل حبال .

التوت

فى رعشة الإيد اللى بتقيد الشموس
فى الضل
خوف القناديل اشتعل
وإنت انطفى فيك السحاب
وعروق خلایا جتتك
سكنت فراغ الخوف ..
عذاب |
والباب ..
ما هوش مفتوح لريحك
والمد ویا الجزر تاهوا ..
فى بحور نرف اللى فات
واللى فات ..
منقوش على التوته العجوزه ..

خربشات
الواد ف حضن البنت ،
والشمس انطفت
والسكه وعشه ..
فوق شفايف التوت
والناس ما هيش لابسه الساعات
والوقت تايه فى عيون ما لهاش وطن
وانت الوحيد ..
اللى طلعت الشجره
من بين الولاد
الشمس ..
باركت جرائك
والتوته ..
اداتك كثير
دلوقت ...

روحك عجزت
والذكريات اللي على التوته
اتمحت
ما عدتش تطرح ..
ما عدتش تفرح ،
بالعيون اللي بتعشق طرحها
بصيت لصورتك في عيون بكره
فشفاك الخجل ،
واتشفى فيك العجز
والجين اشتهاك
التوته راحت تنكرك
والحلم خالك ..
واستخبيت في السكوت
والتوت رفض تاكله ..

لحد ما تتغسل!
والبنت قرفت
لما أحضانك
ريحتها اتلونت
بالخوف
لما أحضانك ريحتها
اتلونت بالموت!

طيور بتشرب من ماعون الشمس

خاسس أكيد ؟!
واللا الزعازيع اللي ممصوه وماشيه فى الشوارع .. تشبهك ؟!
مغرور صحيح ؟
واللا الطيور اللي بتشرب من ماعون الشمس أغراتك
بإناك .. ترمى نفسك من على جبال الأمانى .. بدون جناح ؟!
بتحب واللا ..
نظرة البنت استباححت .. قلبك الأهل
وعقلك الصبى ..
فلبست من جهلك ثياب إبليس
وخلعت من جوفك ضمير النبى
صحيح غبى
والدنيا ما بتديش عبيط

والنور ما هوش لعيون جبانه
إيش عرفك ياد فى الحياه
وانت بتمشى فى سكه مسقيه ضباب
جواك عمار .. جواك خضار
جواك خراب !
وانت .. لإمتى تحارب الخفافيش
بطوب مغموس بدم
مغموس بكأ
مغموس ندم
اطرد جراحك بالعزيمه
ينفرد حلمك إرادته
وازرع أحضانك ف حضن البنت جامد
وخلّى قلبها ..
يشرب من الدم اللى سابح فى وريدك
هى اللى لو خست إرادتك ..
جوه منك
رح ت زيدك .

هواجس

(١)

لحظة خوف .. مولوده ف لحظة موت ،
وعنكبوت .. فارد خيوطه ع المدى سنانير
مليانه أحلام ميتة .. وانت جعان أحلام
والكل بيلومك .. قال إيه عشان انصدت بسهولة !

(٢)

ربيع موعود .. وصيف أرعن
خريف غضبان .. شتا ألعن
وهي دى فصول السنه الجايه
بذمتك .. الموت ماهوش أضمن !

(٣)

خليك هو اجس ..
وانفرد جواك براح
واسكن الخوف قبل ما الخوف يسكنك
واياك تفكر إن بكرة فارد لك جناحه يحضنك
واياك تصدق نفسك المظمنه .. لا تروح بلاش
ولا حد منك ينصفك !

تنهد حيطان قلبى

(١)

ما عدتش أغنى

لأنى..

ما عدتش أشوف العصافير..

تغنى

ما عدتش أحبك..

لأنى..

اكتشفت

بإنى..

نسيتك..

وإنى

نسيتنى..!

(٢)

محروم
من ضى القنديل ..
المنزوع ..
فى الركن الضلمه
فى وسط العتمه ..
الممدوده فوق جسر الخوف ..
لحدود ما أشرف ..
الليل جواكى ..
بينصب خيمه ويسكن ،
فيزلزل أركانك ..
تترج الأورده جواكى
تنهد حيطان قلبى !

(٢)

ما ليش ف البعد خيره
واسالى البحر اللي ..
دغدغنى بهمومه
واسالى الشط اللي ..
غاص بيا ف سابع أرض
واسالى نفسك ..
لما راحت يوم تطالبنى
بنسج الريح فساتين للشجر
وتخطيم الجدار الاسود ..
الى ..
حاجز بين جنون خيالى
وبين طوفان ألواقع اللي ..
غرقان ف الضجر !

حد يقولی آه

قیدونی ..

و کممونی

وارموا جتتی ..

من فوق تلال الغربه

یمن ..

تنکتب لیا النجاه

زی ..

"الکونت دی مونت کریستو"

وارجع ..

للبنات الی محفوره فی ضلوعی

أدوبها .. فی بوسه طویلہ

واحتفظ بیها فی شرایینی

لحد ما تنکتب لینا النهایه السعیده !

اسرقوا حلمي
وضيعوا مني الطريق
وارموني في بحر الرمال ..
يمكن أعود بنوق مملكه النعمان
ما طبطبوش عليه
ما حدش يواسيني
إياكو حد يقولى ما علش
أو كل شىء نصيب
أو إني أرضى بالنهايه ولو تعيسه
لا .. ما حدش واخذ باله منى
أنا أقدر أغير النهايه
أقدر أكتب نهايات سعيده
بس جربونى
كممونى وقيدونى
وارموا جتتى من فوق تلال الغربه

يمكن أنجح
 يمكن أ.....
 آه.....
 واضح إن ما فيش فائدة
 حد يطبطب على
 حد يواسيني
 حد يقول ما علش
 حد يقول آه آه .

صرخه

لا هاكون
مرشوش فوق تصاویر الخلق رذاذ من ضی
ولا عمری هاكون ضلمه
لا هاكون
مرسم جوه القنادیل
دخان مرسوم فی البهاله
ولا عمری هاكون دخان مطلق
من قیده
ولا عمری هاكون .. حاجه ا

دمعه

شرياني انسد
اتصد
اترد
اتخض
فلاقتني بادوخ
واترمى ع الأرض
ولقيتك واقفه
ويا وشوش عريانه
لأول مره
بصيتي علياً
من غير ما تمدى إيديكى لبكره
بصيت لك
وداريت ف عيوني الدمعه المره!

ضحكه

قريت مره ..
بان الضحك بيطول سنين العمر
حاولت اضحك
فتحت الفم مارضاشي
حلفت عليه
كسر حلقاني واستعصى
عملت المستحيل وباه
زادت تكشيرتي فوق وشي
كمان أكثر
جابولي مرايه أشوف نفسي
وأنا مكشر
قعدت أضحك
لغايت ما الضحك جاب أجلى !

اساسيات جدول الطرح

(١)

باطرح..

فكره جديده

عنيده

زى عينييه

زى النور المزروع ف القلب الصافي

كل ما بابتعد عنه بفكر هعمل ايه

لو مره عينيا جت ف عينييه

رح أسلم ليه؟

واللا رح ارجع أطرح فكره جديده زى عنييه.

(٢)

باطرح ..
شيكى ف بحر الشوق
ما هو أنا صياد
ونزلت اصطاد آخر جنيه مسحوره
وصادتني الموجه المغروره
وعيون الجنيه بتسأل
فين الصياد ؟
وانا طبعاً كنت كما المعتاد .. باصطاد ..
نفسى !

(٣)

باطرح فى عيونك وردة حب
لو أدبّل تروينى بدمعك
لو لازم متضحى عشانى
يبقى بدمعك
واللا اقولك هاتى الورده
هازرعها ف صخرة أحزانى
يروىها البحر .. يمكن تطرح
ما هو يامه ورود يا حبيتى بتطرح
جوه الصخر !

(٤)

باطرح
كل الأحزان ورا ضهرى
وبابص لكره الفارد جناحاته لبعيد
والعيد
أكيد رح ييجى ف يوم
أنا شايقه بيضحك ف عنيه
وياريت يضحك على طول
طول عمرى
وانا هاطرح كل الأحزان ورا ضهرى.

(٥)

باطرح ..
من عصر الحزن الصبر
والناج .. صفرا !

(٦)

عمال باطرح
وأطرح .. وأطرح
وما عادش ف قلبى خلاص مطرح
لو كنت جمعت الشوك كله
وزرعته ف قلبى المتجرح
كان أهون إنى أعيش عمري
أطرح ما افرح
وما عدش ف قلبى خلاص مطرح!

وصية ثانية

ما تهز يهوش ..
م النوم لا يصح
سيبيه
يترجم زحمة الكوابيس ..
عشان ..
مستنياه
كل المدن
يشيل همومها ...
ع الحصان
ويغيب !

وصية أخيرة

يا ضحكة الشاب الحزين
يا بومه بتمسب
في روحه الحلم .. نور
ضميه لصدرك
خليه يصب
في دنيتك همه
وكوني ليه
في لحظة الطيران
فضا .

ميلاد

بتحرك السبابه ..

ليه للدايه

رافض تتولد ... ؟

كاره وجوه

المهزومين بالذل ؟

واللا روايح الجوع ..

تهاجمك فجأة

م الطقس الجفاف ..

ترفض تسبب الجنه

أملك تطردك ..

تصرخ عشانها ..

تموت

تسيبك للشتا .. والخوف !

ابن وأم

لماك وحيد؟
كل العيال جم يلعبوا
وسابوك لوجدك ..
لأ... سيبتهم ..
صعبان عليك نفسك ..
صعبانين عليك
كل العيال ..
ما يعرفوش قيمتك
تجيك ..
تمسح بأيديها النونو
دمعك ..

تصطفيك
عشان تنام على حجرها
وتلعبوا مع بعض
ابن وأم.

حزن

متجمعين الناس في داركم

يندلع ..

صوت الصراخ ..

تفتكر إحساس قديم

غامض

تخاف ..

تجري لحضن أبوك فتتجمد !

تخاف أكثر ..

وتحس أول مره

طعم الموت .

مدرسه

بيشخبط الأستاذ ..
على الكراريس غلط ..
ويرن جرس الفسحه
تنطلق العيال ..
يشوفوك لو حدك
عمال بتفتح ف الشنط ..
وتصحح الكراريس
بجد !

رؤيا

من دوامات النور..
عيونه استسلمت
للمشهد المزروع ف روحه م الأزل..
طريق طويل
مشقوق لقلبه
تمشى المواكب فيه
وعروسه
يرموها ف نهر الدم
عينه تودعها..
بدمعه ميته
وتترفع كل البيارق للسما!

محاولة أولى للطيران

جه الآوان ..

تطلق ف وش النوه ريشك

تنام ف حضن الريح

وتغنى لحنك للعصافير الغريبه

تطير ..

تبرطع ف الفضاء

وتاخذك ..

فرحتك بالجو

تنسى الأرض لحظه

تفتكر ..

تبص تحتك ..

تلقى نفسك فجأه ..

تحت !

غنة للنكسه

ليه يا فضا لم تسعنى ..
وتساع طيور ما لهاش جناح ولا ريش
أمتصرخك .. ما عدت سامعنى ..
تكسر جناحى اليتيم ..
وتسيبنى ما تداونيش
ليه بس تتحالف ..
مع الغربان على موتى؟
ما عدت بتهمنى والموت ما بيهزنيش ..
بكره أضمّد جراحي يا فضا وحاطير
مهما تريد موتى بالرغم منك ..
هاعيش !

شك

معقوله ..
كل اللي معايا ..
كانوا ضدى
معقوله حتى ..
اللى باطبيب فيه ..
قصده يهدنى
والشمس ..
بتسلط أشعتها على جراحي الغويطة،
والليل ..
يجيب البرد والخوف والهموم،
والناس ..
بتضحك من جراحي
واللى ببيكى ..

قصده يسرب للضلع الحزن

يهزمنى بكاه

وأنا ؟

معقوله أشك ف روى .

- لا ..

- طب لا ليه ؟ !

أنا اللي أغرتنى ..

بطلوع الجو بدرى

أنا اللي خلتنى ..

أبرطع ف الفضا من غير حذر

أنا خنتنى !

محاولة للنهوض

من تانى ..

أبايعنى ..

وأقوم

أربط حبال روحى بخيوط النور

وأبص قدامى

ف تحدى ..

ما تصالحنيش يا شمس ..

لازم شعاعك يترعرع منى ..

وقرصك ينكمش ويدور ..

يرسم ملامحى .. الصامده

فوق وش النهار

يزرع نشيدى فى الفضاء

يضرّب جدوره فى السما

يفرع غنا فى الكون
أيوه اترعب يا ليل ..
جايلك ..
أمزع سترتك
وأخرس طبلك الأجوف ..
أتمد فوق كل الجسور علشان يعدى الحلم
وأغرق فى البحور غيبتي
وأفوق ..
واضرب عصاتي .. فى الطريق
الأرض تبقى لى سما
والزلط والطوب لجوم
أنا ضلى
اوعى تتخدع ..
شيل القناع
تلاقينى ..
راكب ضلمتى
باركض تجاه النور .

لحن هامشى

بيع يا عم ..
تستصعبك ..
كل الحسابات العقيمة ..
وتساوى
ف المالا نهايه .. شىء كبير
انتفض
تتمد جواك الفصول الأربعة ..
كل الشوارع فاضيه ..
م اللمعان ..
طافيه العيون
والنهر جف ..
تنزل صبايا الحور
عشان تملأ البلاليص العتيقه ..
تفيض دموع النهر ..

تبلعهم ..
تستنى ع الجسر اللى شاخ
تطلع صبيه
تحضنك
راسك تتوه فى صدرها ..
تتوه كمان
تغطس معاها
أنهار من العسل المصفى
تصطفيك
إوعاك تبص لتحت ثانى
بيع يا عم
أجراس تدق ع الطريق
وأدان
يبارك حبكم ..
جاي من بعيد ..

أسطوره

فى الفجر ..
جار النهر
وفى حضن الغيطان
ديك من ذهب
ما يبنش إلا للقلوب الطيبه ..
لو تطعمه من غله
كل منها مساكين البلد ..
يفتح لك السرايب
وتغرف من الكنوز ..
ويجلك الكاهن
بسر العرش
يديلك .. ميزان فرعون ..
وتحكم العالم بدستور النبي ١٩

محاولة تانيه للطيران

من غير نصوص
لازم تمثّل انت
دور البطل..
تفتح ستارتك
ع الحقيقه..
تستلهم الأساطير .. ترّجّل دورك
يتقمص الجمهور بطولتك
يعملك رمزه..
يعينك ع الفضا
وتطير!

دم بيتنزف فراغ

عصافير في دمي هاجره أعشاشها ..
فرحانه بتزغرد
ومرتاحه
دمي طردها .. صوت
نزفت
حاريت عشان عشها المسلوب ..
وطارت له
حسيت ف دمي ..
بالفراغ
بيزيد !

الزحمة

ما رضاش يفسر زحمة الكومبارس
وزع مجاميعه ع المشهد ...
وف الخلفيه
قبل ما يلتقط الصوره
نسى يحط
موسيقى تسخر
م الروايه !

مذبحة التمر هندي

سمك .. لبن
وأنا أصلي أحب التمر ..
هندي من زمان
عاشق حكايات اللصوص
وباحب حواديت المغاره
وانتفضع الكرسي ..
زى البهلوان
لما اشوف
على بابا على باب التاريخ
واقف وغرقان ف الكسوف
تتلخبط الكلمات ف بقه
وتترعرش فيها الحروف
افتح .. سمك
افتح .. لبن
افتح قوام ..

يا تمر هندی الانتظار
لا الباب ..
بيفتح له سراديب النجاه
ولا هو ..
راضى بالفرار
هجم اللصوص ..
على كل دار
دارت سواقى نصيهم ..
ع الشقيانين
نضحت شقوق الأرض ..
بالخوف والأنين
وانت الحزين
الحل في ايديك ..
وانت تايه من زمان
عمال تدور ..
عن حلول للمسأله

بَطَّلْ حَوَادِثَ مُخْجَلِهِ
 وَاحْكِي لِي أَحْسَنَ ..
 عَنْ فُصُولِ الْمَهْزَلِ
 وَأُشْرِحْ لِي مَذْبَحَةَ الْحُرُوفِ
 جَوْأَ الْكَلَامِ
 أَصْلَكَ صَعِبْتَ عَلِيًّا
 لَمَّا خَاصَمْتُكَ كُلَّ الْحُرُوفِ
 وَصَعِبْتَ أَكْثَرَ ..
 لَمَّا دَخْتُ فِي دَوَامَاتِ الْحَضْرَةِ
 وَرَوَايِحِ الْبُخُورِ
 وَتَدَوَّرَ .. تَدَوَّرَ
 وَتَقَعْتُ فِي وَسْطِ الْحَضْرَةِ زَيْ السُّكْرَانِينَ
 وَلَا حَذَّ عَارَفَ أَنْتَ مَيِّنْ؟ ..
 وَلَا حَذَّ عَارَفَ رَحْتَ فَيِّنْ؟
 حَذَّفُوكَ مِنَ الدُّنْيَا وَمَنْ كَتَبَ النُّضَالَ

ولا حد شايف ضلك المصلوب ف كراريس العيال
ولا حد حاسس بالخيالات اللي عماله تسر سب جوه روحك ألف وش
وشوش تبش .. وشوش تغش
وشوش رسمها الدهر بالطبشور
على صدر الحياه .. ما تتمسحش
اشي "ترك" على "احمد عرابي" وخلطبيط
وانت العبيط
ما عرفتش السر القديم
اللي حيفتح لك مغارات السكوت
واقف على باب التاريخ عمال تقول
افتح .. يا جوع
افتح .. يا خوف
افتح .. يا موت !

كفها

مسكت إيدها ..
وابتديت ..
أقرأ ف حواديت الأميره شهرزاد :
خط الوجع ..
ممدود على طول البلاد
والحظ ..
خطه بيتقطع لحظة محاولة الانتحار
وقالت لي بص
فلاقيت عينيا بترسم ..
جوه كفوف اللهفه نار
قالت لي بص :
بصيت لها
فلقيت حياتي بترسم ..

جوه العيون
خطوط.. خطوط
خط الجنون..
مفرود على المرمر،
بيحكى عن مواويل السهر
والاشتفاء
وهناك
هناك خط الميلاد
طويل..
ممنوع دفتين الروح بعاد
خط الحياه..
ممحى عشان كان وقتها
اللحظه هي العمر..
والعمر انتهى
قالت لى بص
كانت شرايينها..
بتزف دم

والدم غطى الصورة ..
والخراديت
قالت لى شايف إيه ؟
- عميت !

قصيده للقرد الكبير

الليل طويل ..
وعذاب مرار الأسئلة يشدني لبعيد
والأوضه خانقه
حيطانها غرقانه ..
ف دخان السجاير
ووش حاير ..
عمال يقلب ..
جوه أكوام الكتب عن وش قرد
ويسأله عن أصل سيدنا الكبير
ويحضّر ..
العفاريّت من الزمن اللي فات
"دارون" يخش الأوضه بالديل الطويل
والشعر ..
منكوش فوق جنون الأسئلة

يا عم "دارون" بص لي ..
ما بيصليش
أنا أصلي إيه ..
ما بيحكليش
طب بعد كام مليون سنه
ممکن نلاقى ..
القرد طالع للقمر
وضوافره وقت الحربشه
طيارات أباشي ..
ودبابات
بص لي من فوق لتحت
وراح بعيد
فرجعت ابص لنفسي ..

ف جنون المراه
لاقتنى فرد كبير
بشعر كثيف ..
وديل مبتور
وعيون تدور ع الحقيقه
ما تلاقيش !

شاهد

فى مثل هذا اليوم من الزمن البعيد ..
أنا كنت ساكن فى حشا أمى
والدايه يتصلى ويتسمى
شهقه وزفير ..
ونزلت للدنيا
وصرخت كال دراويش ..
مع تكبيرات العيد
فتحت عينى مغمضين
وسمعت مع صوت الأذان ..
صوت الحنين
شميت فى ريحة الجو ..
غربه مبهجه

ومسك دم الأضاحي
ورنة الزغاريد
سميه كما الرؤيا
واتبسمي في وشه
دا أول الأفراح وأكبر حبه في العناقيد

في مثل هذا اليوم على البلاد..
كان عيد
الكهربا دخلت بلدنا
وضحكت العواميد
أنا لسه سامع
دوشه في وداني
دقات في قلب الهون مع التردد
إياك في يوم تسمع لهم
هتشوف حاجات غيرهم
وتمشي عكسهم
خليك عنيد

فى مثل هذا اليوم من الزمن السعيد ..

حسيت بضل الموت على جبينى

وأمى دموعها بتجرى كالفيضان

وايدى رحيمه تنش عنى الموت

بمنشة الإيمان

وراح الموت بعيد !

فى مثل هذا اليوم من الزمن الجديد ..

قابلت ناس يامه خدوا بإيدى

وونسوا خوفى

وفارقت ناس منهم كتير لكن

نسابولى بصماتهم على كفوفى

أنا لسه ماشى فى سكتى حاسس بضل الموت

على وشى السعيد

وزى ما أنا جيت لكم فى يوم وحيد

برضو هاسيبكوا أكيد فى يوم

وامشى وحيد .

رقصه

تسمحى بالرقصه دى ؟

حلو إيقاع المطر

موسيقى يعزفها الهوا ..

فى سيمفونية تكتكات البرد ...

وحفيف الشجر

تسمحى بالرقصه دى ؟

إحساسى إنك

لسه طفله

رغم انك

شايله هم كبير

بينبش

فى ابتسامات الحذر

السما حنت ..

لإيقاع خطرتك
فتحت ..
محابس عشقها
علشان تواسيكي
وقلبك ..
لسه حاسس بالخطر
اسمحي لي ..
برقصه واحده
أزرع الحلم في عيونك
تطرحي في عيوني ورده
رجي قلبي زلزليني
واصرخي فيا بجنون

ليه تشيلى الهم وحدك
اقسميه بينا يهون
غمضى على صورتى عينك
وامسحى كل الصور
تسمحى بالرقصه دى؟
حلو إيقاع المطر
موسيقى يعزفها الهوا..
فى سيمفونية تكتكات قلبك..
وقلبى اللى انفطر.

الناس القاسيه

الناس القاسيه ..
مش شرط يكونوا
زى ما بنشوفهم فى الحوادث
لا بعين واحده ..
ولا حتى ضرورى يكون ..
نابهم أزرق وغويط

الناس القاسيه عيونها قراز
بتبرق بالحب الفالصر
ملاصها كاوتش وبالألوان
وعندها قدره رهيبه ..
على التشكيل

الناس القاسيه ..
ما هماش شبه الديب
لكن جوا قلوبهم ..
سراديب ..
عتمه .. ودواليب
مليانه حاجات مكسوره
صدقنى ..

الناس القاسيه
جواهرهم حصره كبيره ..
وإحساس بالحرمات
إحساس إنك ماشى ..
عطشان على قش فى بحر
عائم / غرقان ..
عطشان / شرقان

الناس القاسيه قبل ما تقسى
على غيرها
بتقسى ..
على روحها كمان

الناس القاسيه ما بترقش
لدموعك ... لو عاشق ولهان
علشان قلبها لما بيوجعها ..
بتعصر ألمه من الكتمان

الناس القاسيه
ضد الجرح
و ضد الفرح ..
علشان كده لما بيعيلها الفرح ..
بيتحول لجنان
الناس القاسيه ..
زى القطر
بتدوس ..
على قضبان مشاعرها علشان توصل
يبقى عايزها تراعى مشاعرك
انت يا غلبان
لازم تفهم ..

فلسفة الناس القاسيه !

القسوه

أعلى مراحل نضج

الإنسان.

أخرس

تعرف تكتب أى قصيده
بلسان أخرس
يعنى تشاور...
جوه النص
إياك تنطق..
بالكلمات اللي بيحكوها
وتتوه فى لغاتهم... وتسيح
امسك وردة فى إيدك لكن
سيب العطر يشيله الريح
للبنوته بضحكه جميله
وأما هتتلفت بدلالها
لف الوردہ بحرکہ نبيله

قرب منها
بص في عينها
حاول دلوقتي تفهمها
إنك لما لمست الورده
قصداك حاجه
وانك لما حضنت الورده
قصداك حاجه
وانك ..
لما بكيت ع الورده
وانك ..
لما اديتها الورده
وانك ..

لما مشيت بعديها تنزف روحك أحزان بارده
كل الأفكار عندها وارده .
بس لا يمكن يوم تتخيل
إن الشخص الصافي الأوحده
اللى استنت إنه يقولها :
"أيوه باحبك" .. علو الصوت
ما بخلش عليها بحروفه
علشان كان أخرس .

طعم الموت

تقدر توصف ..

طعم الموت ؟ !

كان الطفل

ف بطن الأم

يحس حياته شهور

هتفوت

وكما العاده

قالوا ولاده

حس بإيد بتشده لبره

غصب عنه كان في الجنه

صرخ جامد

أول لحظه بدأ يتنفس ريحة الموت

وبدأ يقلق .. يبكي ويرفس

لو تنساه الأم ساعات
وأما اتمررت الحلمات
جم فطموه عن آخر
نهر بيوصل بينه وبين الجنة
يعنى خلاص لازم يتعلم
إنه يقول عطشان وجعان
صرخ لما طلع له سنان
يكن حس فى أول قطمه طعم الموت
لسه ومصر وعازيز تعرف
طعمه ازاي ؟
بص عليا
خش فى روحى
يكن ما تشوفنيش من تانى
لا ما تخافش عليا هاشوفك
اللى يموت
بيعيش ويشوف
أما العايش
عمره ما يقدر
يوصف أبداً
طعم الموت !

فكره

قال الشعراء: ..
إن النهر
في قلب الصحرا
طارح تحت الميه الصافيه
غربان خضرا
رحت اختارلى ..
غراب يصاحبني
علشان لما أسافر يزعق
وسط المشهد ويعرفهم
إزاي يدفنوا جسمي اليابس
تحت المطره

قالوا لا بد تلاقى فى موتك
واحد يقرأ
شاعر يكتب لك مرثيه
فرقه تنزفك
وملحن يعمل لك أوبرا
عالم ياخذ من جثمانك بس خليه
ويعمل فكره
ومصور يلتقط لك صورته عشان الذكرى

قالوا الشعرا: ..
إن النهر فى قلب الصحرا
اللى بيطرح تحت الميه غربان خضرا
لازم يبلع جسمى النازف
لما هييجى ميعاد فيضانه
يمكن بكره!

الحفلة

أنا عايز الحفلة بتاعتى..
أكثر بهجه
على قد الحزن..
اللى أنا شوفته فى عمرى
عايز بلالين..
للأطفال المحرومة من العيد
معاذم..
لابسين ألوان مجنونه
وبنات..
مش خايفه من سرسبة الوقت
عايز شيكولاته كتير
مصنوعه..
من غير استغلال أطفال أفريقيا فى جمع ثمارها
عايز تورته..

معجونه بالحب الدافئ
أنا نفسي في ورد بيرقص تانجو
عايز طرايطير
زمامير
والسما بتمطر عطر "كريزي"
مزيكما بطعم البوسه
وبوسه ما تحسش فيها بملح فراق
مش عايز حد في قلب الحفله..
بيرجف خوف
ولا يبيكي..
حتى لو كان م الفرحة
ولا عايز حد..
يبص علينا
ويمارس حزنه..

ورا الشباك
لو واحد نفسه في حاجه ..
يقول ،
أنا أصلى هاسيينكم ..
بعد الحفله
وأروح لهنالك .

- 5 الإهداء -
- 7 نُبوءة -
- 9 وصية أولى -
- 11 مناديل -
- 13 صراخه بينبش في الملكوت -
- 17 لعبة -
- 19 المندوهة -
- 23 يا مسافر وحدي -
- 31 ورا القضبان -
- 33 الزفة -
- 35 انخرج هينادي اللبلاب -
- 39 طعم الخط الأحمر مالح -
- 45 التوت -
- 49 طيور بتشرب من ماعون الشمس -
- 51 هواجس -
- 55 تنهد حيطان قلبي -

59	- حد يقولى آه
63	- صرخه
65	- دمعه
67	- ضحكه
69	- أساسيات جدول الطرح
75	- وصية ثانية
77	- وصية أخيرة
79	- ميلاد
81	- ابن وأم
83	- حزن
85	- مدرسه
87	- رؤيا
89	- محاولة أولى للطيران
91	- غنوة للنكسه
93	- شك
95	- محاولة للنهوض
97	- لحن هامشى
99	- أسطوره
101	- محاوله ثانيه للطيران
103	- دم بينزف فراغ
105	- الزحمة

- مذبحة التمرهندی 107
- كفها 111
- قصيده للقرء الكبير 115
- شاهد 119
- رقصه 123
- الناس القاسيه 127
- أخرس 133
- طعم الموت 137
- فكره 139
- الحفله 141

للنشر في السلسلة :

- * يتقدم الكاتب بنسختين من الكتاب على أن يكون مكتوباً على الكمبيوتر أو الآلة الكاتبة أو بخط واضح مقروء . ويفضل أن يرفق معه أسطوانة (C.D) أو ديسك مسجلاً عليه العمل إن أمكن .
- * يقدم الكاتب أو المحقق أو المترجم سيرة ذاتية مختصرة تضم بياناته الشخصية وأعماله المطبوعة .
- * السلسلة غير ملزمة برد النسخ المقدمة إليها سواء طبع الكتاب أم لم يطبع .

صدر مؤخرأ فى سلسلة

كتابة

- 5- فرضى مُعلنة..... شوكت المصرى
- 6- كتابوت يسعل بشدة..... يوسف شعبان مسلم
- 7- بتشوف القمر أحسن منك أحمد عبد الحكيم
- 8- وبعدها بلحظة محمد السعودى نصر
- 9- القادمون من هناك محمد عبد الجواد
- 10- أطلال الياسمين والى سليم
- 11- أنا اليوم وحيدة إيمان السباعي
- 12- سيرة الورد سالم الشهبانى
- 13- المملوك عمرو الشيخ
- 14- موسم الكبك أحمد إبراهيم الشريف
- 15- وجع الأغاني سهى زكى
- 16- بنت من ورق نهى محمود
- 17- أخبار الأيام الأخيرة ياسر الحمدي

شركة الأمل للطباعة والنشر

(مورافيتلى سابقاً)

ت: 23904096 - 23952496

